



白田文集卷之十一

寶應王 巖篔

傳

贈大僕郝公傳

郝公景春字和滿揚州江都人也慕楊忠愍為人每讀其年譜輒太息生平數窮困或勸曰子困固當胡不學今術乎公曰嗟乎今有術乎吾乃今矣因別號乃今既歎曰吾終不善今也又更自古因圓其冠前角而後方之間居偶發篔忽泣數行下其子驚問故則手奉昌錢拭淚曰見此憶聖明天子其平生忠義



蓋天性也公以萬曆壬子舉人任益城教諭改選陝西苑馬寺錄事遷黃州府昭磨陞房縣知縣時流賊張獻忠熾甚所過城郭屠滅一空入湖廣與群盜擾亂諸府縣鄖陽九營而羅汝才白貴黑雲祥者三營逼處房地房城高丈餘被兵數載野無青草縣治萬山中每楫轉餉無所公之房次子鳴鸞請從公至則修城濠築敵臺招流移撫損瘠精器械備火藥任耆舊屬士民分巡守設鑼柝守禦具備當是時總理軍務都御史熊文燦奉朝命討賊不能辦遂主招撫獻忠乃就撫文燦請于朝授副總兵居之穀城所謂西

營八大王者也文燦使監軍僉事張大經監其軍而  
羅汝才白貴黑雲祥陽言乞撫逼房踞郊闕絕糧道  
阻樵採公告急文燦不問公志在戰守不欲撫文燦  
遂嫉公乃檄公謂今朝廷化賊為民奈何驅民為賊  
賊聞之喜遂至城屠掠公擊殺數十百人賊懼訴文  
燦文燦為賊檄公謂公壞撫且劾公趣公居賊於城  
外且使指揮數人至房安插指揮受賊賂惟所欲房  
人驚譁哭訴搏指揮公力解乃止既三賊逼城下者  
數十壁城東至北為汝才壁踞曹操營城西至南為  
雲祥壁踞整十萬營而白貴壁則分列城西北及西

南號為小秦王營其衝要地則賊安塘置馬馬公數  
請兵協守不報公不得已乃單騎抵賊壁約盟推誠  
語賊感泣交拜因明約束畫疆界乃定已而歎曰吾  
數奇不可逃也夜半篝燈自著數奇紀略公慕楊忠  
愍此自著年譜意云未幾獻忠突叛穀城知縣阮之  
鈿死之監軍僉事張大經從賊為前驅引兵乘勢遂  
圍房而汝才等絕民糧割田麥以助其勢時城中羸  
兵二百公以才紙繫卒髀間為丐狀絕城求援於文  
燦凡十四往不報獻忠遺公書要以讓城公怒曰却  
老頭可斫城不可讓也賊急攻公與鳴鸞堅守乘城

凡施大小砲石公手親指揮賊設雲梯以登城公用  
鈎奪其梯數十賊不得上自下掘城公蘸涕油傾之  
擊死賊千餘人賊乃掘墳毀棺出尸取其版負之蔽  
以掘城公用火燒兼擊大石死者又三百餘人獻忠  
志甚益兵四嚮圍數重獻忠執利刀乘馬繞城走視  
不力攻者輒殺之公置錢城上左手持令箭右手指  
錢曰擊中一賊賞千錢兵民益奮須臾錢盡又斃賊  
數百人鳴鸞亦手擊殺數人賊惶駭奪氣撤圍且宵  
遁忽汝才至城下周麾大呼曰城破矣則守北門指  
揮張三錫知無援陰降以繩縋賊相援而登故也凡



相持五晝夜城既陷守將楊道選率兵巷戰死之監  
軍僉事張大經既從賊紅纓胡帽持短槍乘白馬先  
入索公獻忠繼至入坐縣舍賊兵擁公至起階迎  
奉卮酒飲公公叱之忽數十人持令旗馳至曰曹營  
令我等來救遂擁公上馬去是時鳴鸞從亂軍失散  
往來求公不得而僕陳宜散髮跣足從亂軍求公過  
之至曹營汝才見公曰奈何曰何傷誰為求吾死來  
汝才使卒持旗去徧求不得鳴鸞亦不得公哭于道  
久之遇卒會夜大雨如注奔至見公大哭公曰男兒  
至此只要自己決斷耳以手自畫頸曰此亦不甚痛

也鳴鸞收淚慷慨曰兒所苦父子死不相見既見敢  
不死見者皆泣汝才說公降公不應大經以監軍從  
賊欲得公分其惡故與獻忠謀使汝才說公有頃獻  
忠使卒索公公命鳴鸞且留公遂往陳宜隨之至則  
獻忠大經並坐獻忠大聲問曰庫銀倉米安在公大  
叱曰死賊倉庫有物城豈為汝陷手賊怒殺典史以  
懼公公不動又殺一守備公笑曰真死賊也大經起  
前勸曰事已至此亦須識時公大罵曰汝受朝廷厚  
恩官監軍負國辱身甘從賊我死必活捉汝獻忠大  
怒使卒擁公出公口不絕罵至西河邊忽一人痛哭



追至則鳴鸞也公笑曰好好我累汝公遂遇害鳴鸞  
陳宜伏尸痛哭鳴鸞大呼曰死賊何不殺我鳴鸞陳  
宜皆遇害主簿朱邦聞罵賊一門死之時崇禎十二  
年五月二十九日也事聞下部部擬贈公尚寶司卿  
天子嘉公忠改贈太僕寺少卿廕一子入監贈特祠  
祀鳴鸞陳宜祀公旁

王巖曰余聞冷水道人者不知何許人常出入諸督  
撫幕中參其謀略又能得賊陰事預以告且于吉凶  
皆先知終日惟飲冷水窮冬亦然公死道人白其事  
罔上請贈廕誓一日不死必辦此然於公之家人無

半面識也嗚呼世之平居稱相知而毛髮利害反面  
如不相識者聞道人之風亦少知愧哉

參政鄭公暨其姪御史公雙忠傳

鄭公桓字居貞其姪道同字好問徽州歙長齡人也幼與方正學先生友善同學十五年元季丁未明太祖駕過長齡居貞公曾叔祖號念三者召見太祖跪奏民疾苦求免一歲糧得俞旨授之官以老病辭問其家仰答曰皆不肖帝眷優渥令有司建坊扁曰龍吟獨對云天下既平居貞公召入陛試謂正學曰此地多長者此人大可用也正學奏此臣十五年同學友也太祖曰自是佳器即授秦王教授擢轉運使賜荔枝金帶轉湖廣四川糧餉既遷汝寧道僉事加參



議又加參政時靖難兵起惠宗讓皇帝御極三日矣  
建文三年時黃觀為侍郎傳檄勤王公提一旅三千  
人乃汝寧訓練健兒也公誓以死報國三軍皆泣誓  
從公死戰一日夜餓死八百餘人蓋以州縣皆降閉  
城不發一粟故也餘皆從以渡江遂攻龍江關時成  
祖遣御史好問公來說降知居貞公必不降說之不  
敢又不敢逆上命遂縊於軍居貞公被獲見成祖不  
跪廷臣曰即親王亦當朝拜公曰讐敵也可屈膝乎  
帝大怒遂殺於市就義時口占曰我本庸儒得占天  
日眇眇藩臣勤王赴敵一戰遭擒此膝難屈嗚呼我

子命淪力戰周粟取餐秦廷誰哭龍飛九天孤臣臨  
極早鍛吾身魂依帝側蓋自述如此其忠義天性也  
公平生著述甚富詩詞成帙家人聞勤王驚懼遁去  
而書遂無存仕宦有作多在公署其夫人汪氏流徙  
紫荆關外自縊其書又不存惜哉

王巖曰余讀遜國臣紀如方鐵練景齊黃諸君子一  
百八十餘人慷慨就死甚至族誅者八百七十三人  
又至為瓜蔓抄其視死如歸甘受慘毒至此余有詩  
曰一姓君猶殉若遇異姓別族又當何如豈不爭光  
日月哉余讀書至此未嘗不感慨歎息泣下沾襟也

高山仰止景行行止雖不能至然心嚮往之其後金  
陵合祠徽郡專祠曰雙忠世世奉祀不絕也



贈太保余肅敏公家傳

余公子俊字士英眉州青神人也其先安陸京山元  
末陳友諒據其地政苛暴余氏兄弟十人盡室徙四  
川至瀘州瀘人以其象也疑之不肯容乃聯詩一首  
各書卷軸分去散居成都青神內江叙州犍為茂州  
雲陽合州新津松潘號十大房云明興三百年象至  
數千人科第不絕張獻忠入蜀屠戮無遺其流移四  
方僅存者百餘人而公曾祖德成隱居長泉鄉不仕  
祖永泰以公貴贈右都御史父祥永樂戊戌進士仕  
至戶部郎中公官右都御史時贈如公官公幼有大

志器識不凡縣後有古塚毀群兒拾遺骸為戲公惻  
然掩之夜夢老人曰子為吾葺門戶異日必至大官  
既長沉毅精敏留心天下尤注意於邊務中景泰辛  
未進士授戶部主事陞員外郎遷西安府知府治行  
為關中七府冠賜璽書旌異擢陝西右參政督三邊  
軍餉陞右布政轉浙江左布政才六月會西邊告警  
廷議以公居陝久民夸信服擢右副都御史巡撫延  
綏時口入黃河套盤據不出朝廷屢遣文武重臣總  
制諸路軍馬以備之公至延綏相度邊地盡得其要  
害險塞上疏曰陝西三邊延慶寧夏甘肅也延慶於

內地為近國初逐出北口遠遁黃河外至正統初始  
渡河犯近邊議者請於沿邊立石界東西餘二千里  
界石外開創榆林一帶營堡後累增二十四所延蔓  
二千里屯軍積穀以扼其入路又於營堡三十里外  
築墩台以瞭望口入境即舉烽以示警於是邊境久  
寧天順以來彼知我東西諸邊各據險以守不敢窺  
伺惟延慶一帶地無險阻易馳突故屢來侵邊掠我  
邊人為嚮導遂入河套久據其中自是彼顧居內而  
我列屯守禦反在外矣遂至遣將聚兵以為備計近  
日用兵費以萬萬計至今不得息臣愚以為莫若於